

• permissis, et etiam in illis alias quam clausis januis ac excom-
• municatis et interdictis exclusis, nequeant missae ac alia divina
• officia celebrari. Si vero moniti, excommunicati et interdicti
• praedicti per alios tres dies, dictos ultimos tres dies immediate
• sequentes ad cor reverti, occupataque restituere et nostris mo-
• nitioni et mandato praedictis obtemperare distulerint et in sua
• voluerint cordis duritia et perversa obstinatione remanere, eos et
• quemlibet eorum reaggravationis, anathematizationis et maledi-
• ctionis ac damnationis mucrone percutimus et omnium ecclesia-
• sticarum censurarum laqueis ligatos et irretitos esse decernimus
• ipso facto. Et eosdem Leonardum ducem, consiliarios rogatorum
• et generalis concilii et alias singulares personas Communis Ve-
• netiarum, provisores, fautores, adhaerentes, complices et sequa-
• ces reliquosve monitos praedictos, excommunicatos, aggravatos,
• interdictos, reaggravatos, anathematizatos et maledictos, ut prae-
• fertur, in eorum protervia perseverantes, reos criminis laesae
• majestatis et ab omnibus Romanae ecclesiae devotis cum eorum
• bonis perpetuo diffidatos dicta auctoritate et potestatis plenitudi-
• ne decernimus. Et generaliter civitates, oppida, terras et loca
• quaecumque etiam ab eisdem Venetis non possessa, ad quae ali-
• quem eorundem excommunicatorum declinare contigerit, quam-
• diu ibidem permanserit et triduo post recessum ejusdem simili
• interdicto subjicimus: ac Leonardum ducatu Venetiarum et ipsum
• nec non rogatos, consiliarios, provisores et alios monitos, digni-
• tatibus et honoribus in quibus constituti existunt et tam ipsos in
• specie, quam praefatum Commune Venetiarum privilegiis, con-
• cessionibus, gratis et indultis, necnon bonis omnibus quae in
• feudum vel emphyteosim, seu alias a Romana vel aliis ecclesiis,
• monasteriis et locis ecclesiasticis obtinent, ita ut illi, ad quos per-
• tinent, de illis utpote ad eos libere reversis, possint pro sua vo-
• luntate disponere: nec non commune praefatum jure si quid eis
• competit in Paduana, Veronensi, Vicentina, Cremonensi, Brixien-
• si, Tarvisina, Pergamensi, Trigestina, Tranensi, Brundusina,